

天童弘覺忞禪師語錄卷第九

中九

嗣法門人顯權等編

住山東青州府大覺寺語錄

山門解脫靄局無鎖鑰六門晝夜鎮開張歸元一處成休復下足無非大覺場

佛殿佛者覺義杖林山下竹筋鞭三腳驢子

弄蹤行麻三斤殿裏底大者如兄小者如弟且道是甚麼義一劈華山成兩路萬季流水

不知春

據室白雲生按下碓觜使開華客至無禮儀

蒿湯便當茶狀雖如是賣金終不和與沙

上堂聞佛祖向上宗猷鋒亾佛祖廓人天頂門正眼照失人天不見道窮諸玄辯若一豪置於太虛竭世樞機似一滴投於巨壑如是則西乾四七唐土二三方在夢中歷代宗師

天下老和尚寐語不了大覺門下莫有超越格量者麼出來共相唱和問濟北宗風則不問斬新條令事如何師云白雲在天丘陵自出進云恁麼則堯風謫八表舜日壯乾坤師云賴得閻黎相證明問大千俱捏碎祖令合當行正恁麼時如何師云金鉗影動寶劍光寒進云箇箇頂門具眼本也師云一鉗粉碎進云祇如佛祖界空衆生路盡又作麼生師云雲自帝鄉太水歸東海流進云擦手縣崖上分身萬象中師云還他識盡髑髏人進云某甲禮拜有分師云切忌鎗承當問撲鼓升堂卽不問如何是大覺境師云下方城郭近鐘磬接笙訶如何是境中人師云陣雲橫海上拔劒攬龍門進云人境已蒙師指示向上宗乘事若何師云待有向上人來卽道僧遂

喝師云老僧被你一喝僧擬進語師便喝進

云恁麼則可首一天雲斂處碧空皓月照青

州師云棺材裏眠眼問三千里外騰雲至四

衆人奔聽祖風畢竟和尚有何分付師便打

進云大覺雲堂裏洪波千丈渺師云且過者

中九

二

邊著進云某甲從來不隨人轉換師云怎奈

刺齒入膠盆乃云如今事不獲已曲順時機

便見雷動中天雲行雨施春回寒谷水流華

開於無佛處示佛於無祖處現祖於無爲處

運爲於無法處演法有賓有主有唱有酬問

則雲興答則餅渴貴使人人親見釋迦老子

從來鼻直各各知他達磨大師一向眼橫任

渠德山棒頭敲發不作奇特商量臨濟喝下

先生不作深機解會大眾既不恁麼又且如

何商量解會即得喝一喝云待山門奔北洋

河水倒流卻向你道

上堂問潑天門啓選佛場開祖印高提人天

乞命潑天門啓則且置高提祖印事如何師

便喝進云祇如臨濟大師道大凡演唱宗乘

一句中須具三玄門一玄門須具三要還許

學人請益也無師云一人傳虛萬人傳實如

何是一句中具三玄師云一鑑晴空星斗懸

如何是一玄中具三要師云寶王刹內分堂

與如何是第一玄師云石上橫開十丈蓮如

何是第二玄師云大蟲舌上打鞦韆如何是

第三玄師云兩頭白牯手擎烟如何是第一

要師云萬別千差都一照如何是第一要師

云佛殿階奔開矢窖如何是第三要師云鳥

自曉春華自笑如是則轉谿正脈重通濟北

家風再振師云三臺須是大家催進云分明

一句無私語顯發須憑過量人師云無人處
所領望你僧禮拜問臨濟三玄纓剖露汾陽
十智請宣揚師云理管多季曆日作麼不容
華勞如何是十智同真師云萬象森羅海印
中本來無物如何是一同一質師云是鑄皆
鐵鑄事無一向如何是二同大事師云日食
三餐夜眠一宿不求伴侶如何是三總同參
師云虛空合掌大地和南不屬愚賢如何是
四同真智師云巢知風穴知雨擗破虛空如
何是五同徧普師云春至百華開爛爛掀翻
大地如何是六同具足師云相鼠信有皮誰
謂雀無角既是人人具足如何是七同得失
師云谷暖風和林寒澗肅不履戈矛如何是
八同生殺師云羅什吞鐵誌公敗鵠不動咽
喉如何是九同音吼師云木鷄曉夜半芻狗

吠天明鐵壁銀山如何是十同得入師云東
西南北趙州門與甚麼人同得入師云寒山
忘卻來時路拾得相將攜手歸與誰同音吼
師云象王回顧師子喚呻作麼生同生殺師
云文殊逼佛曾施劍一點墨成兩處龍何物
同得失師云魚行水濁鳥飛毛落那箇同具
足師云江上清風山間明月何物同徧普師
云家家門薪火把子何人同真智師云拋兒
婆子遇巖頭孰與總同參師云善財拄杖初
祖皮鞭那箇同大事師云大地一時俱火發
何物同一質先師云焦輶打著連底凍進云恁
麼則一種沒絃琴惟師彈得妙師云說甚沒
絃琴上曲直是倚天長劍逼人寒進云碧玉
盤中珠死轉琉璃殿上月徘徊師云看脚下
僧拂袖歸位乃云照魔軍之窟穴還他寶鏡

當軒伐異見之稠林必也霧蛇在握所以臨濟揭三玄以刊法印汾陽標十智而定綱宗總之暗抽衲僧嘴後之橫骨發揮從上本有之風光如剖石蜜中邊皆活似析瓊枝寸寸是王使不遭亾羊而泣路受感染而悲絲如適來昇儻二書記恁麼問山僧與麼答諸人還知落處也未若也知得便可與臨濟大師汾陽老子同得同失同暗同明同死同生同出同沒同一眼見同一耳聞同一舌譚同一手捉其或未狀面目現在各請當陽薦取喝一喝下座

結夏小參問有卷有舒法無定相能殺能活遇緣卽宗浮山九帶請師直截舉揚師云劍爲不平離寶匣從君打瓦復鑽龜進云少室峰井不容話會威音那畔杳無消息作麼生

是佛正法眼藏帶師云嘴後神光耀十虛進云世尊四十九季三百餘會未曾譚著一字作麼生是佛法藏帶師云鐵樹華開劫外春進云聲色不到語路難詮如何是理貫帶師云萬派皆歸海千山必仰宗進云日月照臨不到天地覆載不及如何是事貫帶師云般若黃華顯真如燕子譚進云截斷衆流不通凡聖如何是理事縱橫帶師云是水皆含月無山不帶雲進云未離兜率已降王宮未出母胎度人已畢作麼生是屈曲垂帶師云祇爲愚騃嚙不止遂將黃葉作金錢進云言旣薦得猶是滯穀迷封句下精通未免觸途狂見如何是妙叶兼帶師云水流東澗朝西澗雲起南巒雨北巒進云雞足入定嵩山西壁陸地波濤晴空霹靂如何是金鐵雙鎖帶師

云泣露千般艸喫風一樣松進云直須旨外
明宗莫向言中取則作麼生是平懷常寶帶
師云家門豐儉隨時用田地優悠信步移進
云叟有一帶請和尚當陽拈出師云何不當
陽問將來進云簷聲不斷幕旬雨電影還連
後夜雷師云你作麼生采聽進云千峰勢到
嶽邊止萬派聲歸海上消師云夜來黑漆屏
風上細讀盧全月蝕詩問學人單刀直入和
尚如何相待師云山僧退身有分進云陷虎
之機休拈出誰人肯向此中行師云青猿一

一居林叶白鳥雙雙避弋飛你爲甚知而故
犯進云雲從龍風從虎師云且緩緩著進云
師子吼時芳艸綠象王回顧落華紅師云山
僧甚怕與麼差異衆生進云恁麼則學人也
退身有分師云不消一句問光臨海岱恢弘

尤

六

濟北宗猷道變魯齊密闈西來祖意濟北宗
猷卽不問西來祖意是如何師云青州城北
洋水東流進云恁麼則半杯酒餉三軍醉一
箭橫穿石虎溪師云蠟人向火進云夜半穿
雲太行從鳥道歸師云爻殺闔黎進云某甲
禮拜和尚本也師云不禮拜叟待何時乃云
朱明已屆聖制當遵法露山千載之訏謨立
大覺斬新之規則豈可猷他驢事未本馬事
到來只得拆將西障補起東籬飽諸人以金
牛大飯飲諸人以趙老釀茶馬師鹽醬不豐
朝朝與汝唼噉青州布衫雖重日日與汝提
撕慕呼大衆山僧與麼爲諸人諸人又作麼
生自爲卽得月中丹桂連根拔海底驪龍把
角牽復舉五祖演和尚示衆結夏無可供養
大衆設一家燕管顧諸人乃舉手云囉遷招

羅遷搖囉遷送莫怪空疎伏惟珍重師云演
祖老人極是禮數周全爭奈破費常住不少
今夜大覺寺中別無甚家燕管顧諸人故不
須招不須搖亦不須送只據諸人應分底盜
裏飯桶裏水史日逐牽補得過便了狀則山僧七
爲人一句又作麼生鄭州梨青州棗萬物無
過出處好

上堂刻期取證掘地覓天更或沈吟千生蹉
過還有一踢鴻門開兩扇者麼出來通箇消
息問三月安居九旬禁足斬新係令卽不問
當陽一句事如何師云高著眼進云恁麼則
人人壁立萬仞箇箇眼蓋乾坤本也師云火
後一莖茆進云龍得水時增意氣虎逢山勢
長威獅師云背負乾薪遭墮火進云昔日僧
問投子如何是一大事因緣子云尹司空與

山僧開堂今日張相國請和尚開堂如何是
一大事因緣師云與諸人脫卻龍頭卸卻背
馱進云學人則不狀師云你又作麼生進云
盲無慧目憐河北獨揭清光照海東師云不
妨許你引得著進云大家齊唱囉遷哩是何
曲調萬季歎師云又被風吹別調中問爐搆
洪開般煉五湖杓子汰幢肇建活埋四海英
霸祇如訶佛罵祖夜來和尚作麼生與他相
見師云待我上山斫棒來進云恁麼則劈破
虛空今風搏妙翅彌翻滄海今雷送游龍師
云孤非師子類燈非日月明進云把住放行
全枉我縱橫殺活更由誰師云你作麼生殺
活孽僧擬議師云掣電之機徒勞佇思問大
開潑天爐搆結卻萬象舌頭只如兩儀未兆
已莽結不到底一著子作麼生道師云千鈞

之弩不爲鼷鼠而發機進云破曙山河呈舊
面披風艸木獻新容與他相處多少師云初
三十一中九下七進云與麼則燈籠舉拍露
柱興譯師云蝦蟆跨跳上天虹蝴蝶過東海
進云祇如羅籠不肯住呼喚不回頭底人到

來和尚與他結卽得不結卽得師云分付田
庫奴進云剝竿頭上風車子旋轉威音出九
重師云沒殺冢頭蒿僧舉坐具云好看太白
峰頭月閃爍青齊萬古寒師云休將時憲新
頒朔尤例陳季舊脅推進云也須舉過師云
舉過卽得問布湯天之綱子打鳳羅龍以園
覺爲伽藍護生禁足從上古錐蠟人爲驗和
尚者裏作麼生施設師云施設且置如何是
圓覺伽藍進云舍元殿裏不問長安師云殿
主爲誰進云請和尚高著眼師云放汝三十

中九

棒乃舉起柱杖云看看山僧柱杖頭上橫開
寶刹畢集羣宗就中請得毘盧遮那如來爲
堂頭和尚盧舍那如來爲都監寺釋迦如來
爲化主文殊師利菩薩爲首座彌勒菩薩爲
維那觀世音菩薩爲書記得大勢菩薩爲副
寺普賢菩薩爲典座藥王菩薩爲知藏藥上
菩薩爲典客無邊身菩薩爲直歲寂根菩薩
爲知殷勇施菩薩爲知浴慧上菩薩爲侍者
薩陀波崙菩薩爲察元地藏菩薩爲堂主善
財菩薩爲參頭總十方三世盡空添界若凡
若聖咸皆普入園覺伽藍之內各各安居平
等性智之中於是毘盧遮那如來爲衆演法
曰護生須是殺殺盡始安居會得箇中意鐵
船水上浮文殊師利菩薩爲秉拂小參曰十
方同聚會箇箇學無爲此是選佛場心空及

第歸乃名云大衆如斯諦信得及本卽今便與諸聖同參將來次補毘盧遮那如來爲大和尚其或尚畱觀聽稍涉遲疑則諸人自諸人柱杖子自柱杖子依舊本聖時遙正法將滅九十日內切須自著精彩好久立珍重

天中節蒙立座元上堂屈子沈湘日人間競渡秋浪華翻白雪鼉鼓震江流還有飛舸奔錦者麼出衆呈橈看問家家縣父虎處處競龍舟如何是應時及節一句師云今朝正是大端午進云盡見櫓華紅似火幾人相憶禹霧均師云你試誦一曲看僧作拈香勢云今日與和尚燒香師云也不勞得進云不是和尚好與一喝師云情知伎倆只如此問葵榴初放蒲劍新抽節候調和時殷物阜猶是端拱無爲邊事如何是開鑿人天一句師便打

進云不因今日舉餘日定難逢師云你須痛領者一棒進云熏風自南來殿閣生微涼又作麼生師云正是閻黎放身命處進云濟北一宗從此振黃河今日又逢清師云你還放得身命也未問歷盡谿山不記程艸鞚脫落腳頭輕臨機一句無私語調入陽春韻轉新祇如臨濟大師四料揀還許學人問也無師云逐句念來與你商量如何是奪人不奪境師云長安有月千門閉如何是奪境不奪人師云沙塞無音獨鴈還如何是人境俱奪師云襲卻蘋支擒谷蠡如何是人境俱不奪師云玉門雖設未曾關進云人境已蒙師指示當陽一句事如何師云徒勞側耳僧擬進語師便喝乃云孤忠未見喻君王抱憤尤甘沒楚湘火宅正炎迷出路寸心那得不回皇有

般漢道三界若空華四生如夢幻本無能出
之人亦無所出之處只要了空達幻覺夢而
已山僧道善哉夢作麼生覺幻作麼生達空
作麼生了齊著力莫央庠載如飛之箭浪舞
跨海之龍舫高標奪得霸山錦方信男兒當

十九

十

自彊喝一喝復舉文殊一日命善財采藥曰
是藥者采將來善財偏觀大地無不是藥卻
來白曰無有不是藥者殊曰是藥者采將來
善財遂於地上拈一莖艸度與文殊文殊接
得皇起示衆曰此藥能殺人亦能活人師云
有效藥非常無病方乃聖善財熱謗文殊文
殊熱謗善財即置豎拂子云只者一莖艸利
害枉甚麼處便能殺人亦能活人要識源達
委麼問取堂中第一座

史

土

晚參問德山晚參不答話問話者三十棒未

審大覺門下還許學人問也無師云今夜爲
你放開一線道進云鼓聲纔罷大眾雲臻卽
且置只如未出方丈毒請師一句師云金風
吹玉管那箇是知音進云流水高山無限意
鄒欽傷宮仙石遺師云移陵關上望錢塘問
一大藏教古人喚作拭不淨底故紙千七百
則公案和尚又作麼生師云范公泉製白丸
藥進云牽枝引蔓轉見不堪師云胡人歟乳
反怪良醫進云一天雲氣淨萬里月光輝師
云牽枝引蔓轉見不堪問主賓玄要驗蛇龍
直入單刀識濟宗祇如瞽洞門下因甚卻立
正偏五位師云月船不犯東西岸始信篙人
用意良如何是正中偏師云官仗排來細柳
葷如何是偏中正師云皓月炎沉龍封頂如
何是正中來師云劫外優曇火裏開如何是

兼中至師云熱鐵飛輪誰敢抵如何是兼中到師云海底泥牛絕消耗僧打圓相云者箇還有偏正也無師以手畫一畫進云饒他劈破華山勢萬象全歸一鑑中師云依舊跳他偏正不出乃云子在齊聞韶三月不知肉味

曰不圖爲樂之至於斯也可惜孔夫子生居衰周之世若在今日遇我青齊山僧與他舞般若之千奏無生之曲管取者老兒忘味于生醉神曠劫蓋不知天之高地之厚海之濶山之遙也衆中莫有樂聞斯曲者麼乃拍手長謌風蒲獵獵弄輕柔欲立青蜓不自由五月臨平山下路蘋華無數滿汀洲

上堂問五宗舉揚諸方各說異同明眼宗師請示其中的旨師云中書堂裏事釋擔問樵人進云釋擔樵人問且置中書堂裏事如何

師云佇聽金門宣大赦來朝天子拜南郊進云恁麼則閩國周聞恩沾一衆本也師云黃河清一度知是幾千季驅霹靂喝走閃電機如何是臨濟宗師云萬國一朝空鹿足千王飛攫寂無蹤正偏互攝妙叶弘通如何是譽

洞宗師云大海龍王行雨潤遮身頭上數重雲拈弄南山鼈鼻裏拓一字機關如何是雲門宗師云生鐵蒺藜當面擿琉璃阨慙繞身我父子唱和卽體卽用如何是鴻仰宗師云眉毛鱗裏積山嶽鼻孔中藏獅子兒唯心唯識眼聽耳觀如何是添眼宗師云十二處忘聞影相三千界放淨光明進云可謂等閒拈出還丹粒燒盡人間藥永禪師云敲問如何是還丹一粒僧優喝師打云燒盡人間藥永禪問發明向上必也在窟金毛分析請誘須

憑添王座上雲門大師道盡乾坤大地無纖
豪過患猶是轉句如何是無纖豪過患底消
息師云少季曾決龍蛇陣不見一色始爲半
提如何是不見一色底消息師云老大還聽
稚子譏進云且道無纖豪過患與不見一色
十九
相本多少師云分身兩處看僧云更有一問
不勞和尚答出學人禮拜本也師云貓兒掣
彩鳳問鼴音纔震猊座高登人天普集則不
問果日當空事若何師云峭巍巍活卓卓進
云水流風動無非般若正音鶴噪鴉鳴總該
西來的意因甚又道三資未達十聖難知師
云動念卽乖擬思卽錯進云如何是此宗師
云萬里天邊飛隻鵠進云與麼則水歸大海
波濤靜雲到蒼梧氣象閒師云壁上画棋盤
進云是何言歎師云你由自不知那乃云峭

巍巍活卓卓最現成極寥廓動念卽乖擬思
卽錯踢斷天台石橋拈卻趙州略約喝一喝
云四方八面絕遮攔萬里天邊飛隻鵠

安丘諸山請上堂問擊鼓陞堂卽不問因齋
慶贊事如何師云端坐受供養施主長安樂

進云恁麼則法施財施等無差別祇如臨濟
大師有四喝還許學人請益也無師云水底
捞明月如何是一喝如金剛王寶劍師云人
王三寸鐵徧地是刀槍如何是一喝如踞地
獅子師云金毛忽變西風裏五嶽蒼黃四海

秋如何是一喝如探竿影艸師云驗人骨出
洞徹膏肓如何是一喝不作一喝用師云化
裁天地有形外舒卷風雲變態中進云旣狀
如是臨濟大師面目現在因甚和尚此間不
許下喝師云似我者死學我者拙進云可謂

赤心片片救時弊罕見知恩解報師云且喜上座領話問自從踢著瞽谿路了知生死不相干祇如學人踢著青州路時如何師云滿酌范公泉一盞與君萬病悉回春乃云一

句當天萬機寢削一塵透脫千界光輝所以諸佛威儀進止諸所作爲無非佛事是故或有佛土以佛光明而作佛事有以諸菩薩而作佛事有以佛所化人而作佛事有以菩提對而作佛事有以佛衣服臥具而作佛事有以飯食而作佛事有以園林臺觀而作佛事有以三十二相八十隨形好而作佛事有以佛身而作佛事有以虛空而作佛事衆生因此緣得入律行有以夢幻影響鏡中象水中月熟中燄如是等喻而作佛事有以音聲語言文字而作佛事或有清淨佛土寂寥無

言無說無示無識無作無爲而作佛事大衆祇如大覺門下又復以何因緣而作佛事舉起柱杖云指點風光明本地大千何處不安丘

晚參問向上一路卽不問濟宗三句請師宣師云黃葉休遮眼青雲自有陰進云如何是第一句師云臘月梅華透雪開如何是第二句師云似火山櫛長映日如何是第三句師云霜風吹老雁來紅進云百千三昧從茲露滿座風生透體涼師云所願望博桑問橫該豎抹盡落時機把住放行總成窠窟如何是不涉廉纖句完師云臨淄路出鎮青門進云祇如德山入門便棒臨濟入門便喝畢竟成得甚麼邊事師云此本燕京十二程進云二大老與麼提持還有優劣也無師云優則總優

劣則總劣進云未審和尚卽今莫別有爲人處麼師云有進云如何是和尚爲人處師便喝僧云也好與一喝師云頭上喫棒口裏喃喃乃云仰之彌高是大神呪鑽之彌堅是大明呪瞻之枉畜是無上呪忽焉枉後是無等等呪慚愧現前諸兄弟你輩禪和家參禪學道還曾如者俗漢子恁麼冥搜力索一回也未據山僧看來只不合當時孔夫子與他博甚麼文約甚麼禮未免摘葉尋枝打向別處流轉所以終於卓爾未從而未臻極乎透頂透底者此也若是山僧與他牢關把斷水洩不通直下教伊如狗見熱油鑑相似要祇祇不來要捨捨不得豈不別有生涯大衆正當恁麼時畢竟作麼生擦手還家好暫時自肯絕追尋歷劫何曾異今日

上堂問學人上來早不著便未審和尚如何相爲師云寒蟬抱枯木泣盡不回頭進云偃蹇真龍寧藏困水師云格進云者一句時人知有啞後新機請師拈出師便喝進云與麼則某甲得自在本也師云腳跟下更與三十進云和尚省毛還在麼師云被閻黎帶累不少乃舉同安因僧問如何是和尚家風安云金鷄抱子歸霄漢玉兔懷胎向紫薇僧云客來將何祇待安云金果早朝猿摘本玉華晚後鳳銜來大慧云同安家風不妨奇特徑山要且不狀有問如何是和尚家風但向他道齋時一盞和羅飯禪道是非總不知客來將何祇待蒸餅不拓師云同安十分奇怪大慧一味尋常從上家風只恁麼達磨一宗埽土而盡大覺門下又復不狀有問如何是和尚

家風爛研巴豆三千顆瀉卻諸方五味禪客來將何祇待換骨洗腸重整頓通身是眼更須參

請諸禪補書大藏上堂問以字不成八字不是未審是甚麼字十九師云看取下頭註腳進云

十六

祇如五祖道盜羅娘還答得相稱也無師云

也相稱也不相稱進云趙州爲婆子轉藏只

轉得半藏未審那半藏作麼十七生轉師云山僧

今日親爲你輩上堂僧擬進語師便喝進云

恁麼則碧玉盤中珠宛轉琉璃殿上月徘徊

師云夢裏惺惺問世尊說法四十九季譚經

三百餘會乃至末後拈華因甚又道未曾說

著一字師云兩過谿光澹進云古德又云一

大藏教也祇是箇之字祇如卽今聲鐘伐鼓

節拍相疇又作麼生師云雲開嶽色新進云

十九

天上有星皆拱北人間無水不朝東師云三要三點唱巴嚮進云明眼宗師天狀迴別師云速禮三拜著問摩尼珠人不識如來藏裏親收得如何是摩尼珠師云須彌南畔吠琉璃進云那裏是如來藏師云看脚下祇如收得底又是甚麼人師云打破漆桶來與你相見既是收得因甚卻又不識師云面壁清名思達磨諸侯九合笑齊桓請和尚打開寶藏傾出摩尼師卓拄杖云你還聞麼進云恁麼則人人頂門上飛大寶光各各腳跟下縱橫十字師云土上加泥又一重問馬祖上堂百丈卷席未審明甚麼邊事師云閻浮對在海南邊進云卽今和尚上堂學人掀倒禪牀喝散大眾時如何師云祇恐不是王進云輕輕躡足龍門過惹得清風動地來師云猩猩著

妙契問六祖大師道我有一物無頭無尾未
審是甚麼物師云高著眼進云既是無頭無
尾因甚石霜又道初機未覩大事先須識取
頭其尾自至師云絆殺葛藤椿如何是頭師
云根盤空劫外如何是尾師云葉覆五須彌
有頭無尾時如何師云孤根不爲蔭有尾無
頭時如何師云青蘿緣嶽頂終遜白雲齊直
得頭尾相稱時如何師云更須斲削將來進
云一株大對承栽出覆庇三千及大千師云
易開終始口難保歲寒心乃云三轉法輪於
大千其輪本來常清淨天人得道此爲證三
寶於是興世間三寶既興乾坤夷廓天人得
道萬類昭蘇是故照燭昏衢法爲明炬津梁
險道法爲輿橋高登彼岸法爲舟航眼目人
天法爲開鑿諸仁者法利無窮贊揚莫盡則

置祇如威音那畔空劫已舊未有三寶名字
之時佛在法先邪法在佛先邪若法在佛先
誰爲宣說之人若佛在法先尚昧進修之路
者裏得逆開雙眼親見佛法根源則法自本
來法非從佛而流布佛自本來佛非因法而
徧成非因法而徧成則未離宛率早降王宮
未出母胎度人已畢非從佛而流布則始從
光耀土終至跋提河如是二時間未曾說一
字恁麼則周金剛將青龍疏鈔一炬焚燒小
釋迦日大般涅槃盡皆魔說復有何過其或
中二
未狀一豪頭上重宣出月指從教萬古標
十八
晚參天雨雹災也春秋蓋常大書特書之矣
狀古今卒莫原其所自世俗相傳龍過挾冰
下降爲雹日者沂水有鄉民爲神攝往空中
與羊令騎使散雹馬久而寒僵手莫能展呼

神告困神曰你但持羊兩角則手溫矣依之

果狀其人是日直馳至淮安境上歸言其事
如此又有一人途次遇電忽聞空中有聲曰
汝等散電須照顧張不量家麥地不得亂擦
其人趨避至一家門首適有長者接款爲述

史九

九

所聞則長者卽張不量也其人訝曰君名不
良何以致祐神天長者曰此愚老趨號也人
有借貸於我者出則量之入則不計焉故鄉
人以此呼我耳洎時田疇果狼藉滿原墾而
張氏之麥獨無恙焉二事驗之則龍過挾冰
之說不大有讒謗也邪說到此間幕忽有箇
禪和子抗聲出衆曰善法堂菩薩王座上人
天大善知識柰何不宣揚佛法而肆譚世俗
見聞之事山僧被此一問不勝慚懼雖狀幸
有結末句子可以解嘲良久云信知法法須

親證費盡擣量總不真

立秋上堂問昨夜一葉落今朝萬里秋如何
是葉落歸根底事師云挂壁梭飛秋蛻骨滄
溟老蚌盡懷胎進云葉已落矣根旣歸矣向
上事如何吐露師云風敲月戶三秋冷雨打
茆堂六月寒進云不拘時令一句又作麼生
道師云騎牛上三十三天進云輕風搖萬戶
日午桂輪寒師云出穴免遭宵問封凋葉落
卽不問體露金風事若何師云免老冰盤秋
露泣烏寒王對晚風淒進云祇如肇汰師道
生死交誘寒暑迭遷有物流動人之常情如
何是物不遷師云巖房雨過昏烟靜卧聽涼
風到竹林進云作麼生是應時納祐一句師
云朝立秋冷颸颸進云有意氣時添意氣不
風流處也風流師云餽飯泥茶爐乃云秋風

涼秋夜長未歸客思故鄉有底道自是不歸
歸復得五湖煙景有誰爭是則固是爭奈諸
人從無始世來一向玲瓏三有波逆四生寧
曰入春纔七日鞋家已二季哉蓋亦歸路迷
千嶂勞生閑百洲矣乃高聲召衆云苟非驀
地喚回霜夜夢舉頭唯見月當空直下洞明
劫外風光親自耕鑿祖爺田地便饒翰遊妙
喜暮觀彌陀一念之間周行刹海一食之頃
徧至十方也祇是虛隨夢幻枉逐風塵要望
達他故鄉何異白雲萬里正當今日歸鄉一
句畢竟如何酬唱青山綠水依狀在黃葉西
風又一秋

晚參上堂問本源未委必無水乳之分正眼
若明始有金鑰之辨舉揚宗旨須是作家巖
頭六括乞爲指陳師云巖頭無此語莫謗巖

十九

二十

頭好進云爭奈天下盡知聞師云貪尋古調
單于曲蹉過胡笳一韻長進云如何是胡笳
一韻師云甲巳之季丙作首畢竟如何是就皮
毛括塵師云斷際曾訶古應真如何是就皮
括毛師云洞山好佛只是無火如何是就肉
括皮師云諦當悟霧雲玄沙保未徹如何是
就骨括肉師云七子知音曾不遇一齊拋向
大江流如何是就髓括骨師云德山未會未
後句依狀活本只三季祇如髓文如何括師
云貴圖天下樂昇平一棒瞿曇也打殺進云
且道者一著子還受括也無師云寒蟬雖脫
十九
殼終是抱枯枝進云雨散雲收山嶽靜珊瑚
枝上挂金鉤師云爭奈者一著子何進云龍
蛇易辨衲子難認師云灼狀灼狀問日曙消
殘雪風來又覺寒一天雲霧散唯向遠山看

贊山三墮有真法檀師云軌持千里鈔林下道人悲混迹同塵山下路一犁風雨度殘春如何是類墮師云佛祖位中留不住披毛戴角出人莽子規號落三更月桃李依稀似故園如何是隨墮師云華柳巷中呈舞戲九衢乘醉臥樓臺當軒黯黯無秦鏡散髮齊眉下翠岑如何是尊貴墮師云寶殿苔生渠不坐區區在欲熾狀禪進云不因大地雷聲發春色那知萬戶同師云驥脣先生且非泗洲大聖乃云兩岸蘆葦一葉舟涼風潑夜月如鉤絲綸千尺慵拋放歸到家山卽便休佛眼老人雖則兩催樵子還家風送漁舟到岸爭奈親從宣德門奔過猶問行人覓汴州大覺者裏卽不狀扁舟到處是家山棹轉蘆葦雪幾彎風月一天常似管釣乾滄海不須還

晚參問達磨西來直指人心見性成佛見性成佛則不問當陽直指事如何師打云棒頭有眼明如日進云縣崖擦手自肯承當教學人承當箇甚麼師喝云要識真金火裏看進云風馳塞北知師久道震江南果不虛師云端坐着魚焚香祭獺乃橫按拄杖喝一喝云臨濟爲汝喝得頭眩德山爲汝捧得手麻底事春羌狼藉盡達磨端自過流沙蓋爲雕文器德誰知玉本無瑕阿耶哪差不差杯到手中還奪卻那來奉足得成蛇畢意如之何也各自歸堂啜茶

上堂問諸方魚目混珠大覺披沙揀金汾陽三種師子一一請師指陳師云我若指陳你須百雜碎進云爲衆竭力禍出私門師云煬帝開汴河作麼生是超宗異目者師云一聲

哮吼時祖父母皆器僧便喝師云橫抱嬰孩
提影皇簡進云忽被學人掀倒禪牀又作麼
生師云艷艷斷斷有幾人莽莽幽幽河沙數
作麼生是齊着共躅者師云龍生金鳳子衝
破碧琉璃進云恁麼則足堪承紹本也師云
且待風生插翅看作麼生是影響音聞者師
云索馬其如郤奉鹽進云因甚亦列師子種
中師云假名阿練若衲衣枉空閒進云和尚
鼻孔可謂與汾陽老祖同一出氣師云你向
甚處見山僧鼻孔進云早被學人穿郤了也
師云汾陽老祖底聲進云捏住將來沒半邊
師云石銜精衛填滄海土運愚公徒太行乃
云佛子住此地則是佛受用經行及坐臥常
在於其中葛喚維那西序頭首都在者裏麼
云在東序知事都在者裏麼云在各寮雜職

廿九

三十

三十一

都在者裏麼云在兩堂大眾都在者裏麼云
在大眾既都在者裏山僧豈可說東道西走
作諸人不如排排坐唱新歌我打鼓你打鑼
引聲長謳云白格對頭魚扇子高山把火拾
田螺囉囉哩哩哩好大哥復云歌後如何
大家靜處薩婆訶

天童弘覺忞禪師語錄卷第九

音釋

高	古掌切音	鞞	上雌由切背秋下貌然
嘯	戶耳也鞞韁切音	韁	上雌由切背秋下貌然
方	歲以習	還	音還鞞韁繩繫也此
𦵹	庫式夜切音	鞞	音還鞞韁繩繫也此
搏	舍姓也	繩	音繩鞞韁繩繫也此
𦵹	同飯壞切音	鞞	音鞞韁繩繫也此
也	據	桑神木日所出	